

۲ - سنه

1) TISAM

شماره



اعتصام

۱۵ آبان ماه سنه ۱۳۳۶

جمع الاضهر سنه ۱۳۳۸

{ منافع عامه به نفع مردم مجموعه اعلامیه و در }

احمد شیرانی

الامینه خلافت و سلطنت

محمد امین

دینیت حاضره مناسبتیه بر مسلمان دوشو و نجاری

م. فوزی

مانه کنجاری

طاهر المولوی

ناراده عام و علما

محمد باقی

جشاک سبب توسعی و منعی خارهری

علی رضا

سلامینه تمیزک

محمد فوزی

الام نه در ؟

فیثانی (۵) ضرر شد

اداره : قائم ... اعتصام

۱۳۳۴

مدیر مسئول
احمد شیرانی
﴿﴾

صاحب امتیاز
احمد شیرانی
﴿﴾

اعتصم

سم
ع

سم
۵۹

﴿﴾ واعتصموا ﴿﴾

۱۵ کانونی
سنہ ۱۳۳۶

{ ہر پنجشنبہ کو فی نشر اور نور }

۲۴ ربیع الآخر
سنہ ۱۳۳۸

اسلامیتدہ خلافت و سلطنت

آوروپانک بعض سیاسیانجہ اسلامیتدہ خلافتلہ سلطنتک یکدیگرندن قابل
تفریق ایکی صفتدن عبارت ظن ایدلدیکی اکلاشیایورہ بوخصوصہ عائدغفلت ویاخود
تغافلاریسک، حقمزده ویرہجکلری قرارہ اجرای تاثیرایتمہی احتمالہ مبنی مسئلہی
توضیحہ چالیشمق علمای اسلامیتدہک وظیفہ مفروضہسیدر . اہالی مسئولیت
معنویہی موجب اولہجفتدہ شہمن بولمیان بو وظیفہک ، بلا افانہ وقت اغاسنی
فضای ائمہ بیراقہراق حسب الاسلامیتدہ بزم عہدہ مزہدہ بر حصہ مسئولیت اصابت
ایدر قورقوسیلہ کندی معاملات و مطاعمزى عرض وایضاح ایتک ایستہرز:

خلیفہ، اصیل نامہ حرکت ایدر بر قائم مقام دیمکدر و خلافت صفتیلہ ایلک دفعہ
توصیف بیوریان ، انبیای عظام حضر ایتدر . قرأ نک متعدد آیتارندہ بو توصیفانہ
تصادف اولوبور . انبیای عظام حضر ایتک خلافتلری طوغریدن طوغری بہ ذات
الوہیتہ مستنددر . یعنی پیغمبرلر (اللہ) ک خلفاسیدر . اللہ ، کائنات مادہی ومعنویہک
مدیر ومدبر یکانہسیدر . تعبیر دیکرلہ دین ودنیا امورنی تدویر ایدن اودر . اللہک
تدویر وتصرفی بالکمز دین وآخرت اموریتدہ منحصر دکلدر . اللہک وارافتی قبول

اینان اهل ادیانند هیچ بری بویله بر اعتقادده بولنمیشدر. بولنسه بیله معقول ومنطقی اولهنز. چونکه الهی کائنات مادیه و معنویه نك خالق اولق اوزره قبول ایتك هر ایکسینکده اونك تحت تدویر و تصرفند. بولندیغنی قبول ایتكی مستلزمدر. بخلافله سلطنتك تفریقی تجویز ایتك ایستهن دیواومانلر بیله احرب و صلحه قرار ویریرکن الیهک نصرت و توفیغنی ایستیه ریک ایشه باشیلایورلر. شو حالده تدویر و تصرف آتیهنک دنیا به شمولی اولرده قبول ایتش اولیورلر.

مادامکه الله ، هم دینك ، هم ده دنیا نك مدیر و مدبریدر، اونك خلفاسی اولان و اونك نام قدسی سنه حرکت ایدن انبیای عظام حضراتكده صفت دینیه لریله برابر صفت دنیویه لریغده طایق ضرورتی وارددر. اوت ، انبیای عظام حضراتك هبسی برر حکومت مدنییه و سیاسیه تأسیس و تشکیلی ایچون بخت بیورلشدردر. بالذات حضرت عیسا دخی طرف آتیهن بوظیفه ایله موظف بولنیوردی. خرسیتیانلقده و بالخاصه قاتولیک مذهبنده حکومت روحانییه ایله حکومت جسمانییه نك تفریقی ، روماده باباقی احداثی کئی بدعتلر دین اصلی عیسانک تعلیماته تماماً ضد و مخالفدر. بو ، بابالوله حکمدارلر آره سنده حصوله کان منصب و نفوذ نزاعلریغنی بویله تقسیم مناصب صورتیه حل و فصل ایتك ایچون مراجعت ایدلش چاره لردن عبارتدر. اورتودوقساق مذهبك بحریقلردن، هم دین، هم ده دنیا ایشلریله مشغول اولانلری حالا کورمکده بز .

دینك اولیوزکه خرسیتیاناق عالمنده بیله دین ایله دنیا هنوز یکدیگر نیدن تفریق ایدله مشدر . حضرت عیسانک (قبصره هاند اولانی قبصره و الهیه هاند اولانی الهیه ویریکز) سوزندن دین ایله دنیانک بشقه ، بشقه شیلر اولدیغنی ا کلایانلر واسده بو طرز تاقی اوسوزك نه مناسبته و کیمیره قارشى سولنمیش اولدیغنی بیله مه ممکن متولد بر غلط فهمدر . بو غلطک زهدن نشئت ایتدیکنی ا کلامق ایچون طاهر المولوی بک افندی نك ، (اعتصام) ک ایکنجهی لسخه سنده یازمیش اولدیغنی مقاله نك بو حجه هاند فقره لرغنی نقل ایده لم :

« دینی مباحثه غالب کلامیه جکری را کلایان خاخالر حضرت عیسیای سیاسی بر طوزاغه دوشورمک ایچون شاگردلرندن بر قاجنی و الینک (هیرودوس) معیت مأمورلریله براسکده حضور مسیحیه کونده روب قیصره وریکی ویرمهک جائز اولوب اولمادیغنی صور دیلر. جناب عیسی «خی نه ایچون تجربه ایدیورسکیز؟ بکا ویرکینک سگاسنی کوسته بریکز دیدی. ا کا بر دینار کتیر دیلر. او دخی آنلره بوتصور ویزی کیمکدر؟ دیدکده قیصر کدر دیدیلر. اوزمان آنلره او یله ایسه قیصره مائد اولانی قیصره والله مائد اولانی الله ادا ایدیکنز دیدی. بونی ایشتدکنر نده لمجب ایدرهک آتی ترک ایدوب کیتدیلر. شو فقره اوقونجه او، قول «شهورک سیاسی واداری بر توصیه دن باشقه بر شی اولمادیغنی ا کلامق ایچون پکده اعمال فکره لزوم قالماز صانیرم ».

حضرت محمدک، اصحاب کرامه خطابا: (سز دنیا امورنی بندن ده اایی بیلیرسکیز) بیورمش اولماسندن ده عین معنایی ا کلایانلر وارسه ده بوده عین وجهله بر غلط فهم نتیجه سیدر. چونکه مقصد نبوتک، دائرة شریعتده اجتهاد ایتلرینه ماذونیت ویرمکدن بشقه بر معنایی متضمن اولمادیغنی علم اصول علماسی تصریح اتمکده در. بوایضا خاندن ا کلاشیاورکه انبیای عظام حضراتی ده هم صفت دینییه، همده صفت دنیوییه حائز در. بوراسی ثابت اولونجه حضرت محمدک نام علوی و قدسی سنه اوله رق اجرای احکام ایدن خلفای اسلامیته کده عین صفتلره متصف بولندقلری قبول ایتک مجبور بئنده یز. چونکه اولرده حضرت محمدک خلفا سیدر. بناء علیه اسلامیتده صفت دینییه حائز بولمایان بر ذاتک خلیفه اوله میه جنی کی صفت دنیوییه حائز اولمایان دخی خلیفه طایفه من. انک ایچون حضرت محمدک ارتحالنده صوکره دول اسلامیته ک ریاسته کین چهاریار کزین حضراته خلفای راشدین و اولردن صوکره کندیار سنه خلف اولان امویله خلفای ادویه و عباسیله خلفای عباسیه عنوانلری ویرلشی و تاریخلره ده اوصورتله کچکشدن.

خلفای اسلامی به سلطان عنوانی و یرمک سلطان سلیمک صفت خلافتی احراز نیدن
 صوگره باشلار . خلافتی احراز ایتمدن مقدم سائر عثمانلی پادشاهلری کبی اوده
 سلطان عنوانی طاشیوردی . صفت خلافتی احراز ایستدکن صوگره خلیفه عنوانیه
 برابر سلطان عنوانی ده محافظه ایدلدی . احادیث شریفه ایله جمعه و یارام خطبه لرنده
 سلطان کلمه سنه جوخه آصادق ایدیاورسده ، فقههای عظام حضرتانی اونلری خلافتله
 تفسیر ایدیور . دیمک اولیورکه خلفای اسلامی به صفت دیانتی اعتباریه خلیفه ،
 صفت دنیوییه سی اعتباریه ده سلطان عنوانی یرمک دوغری دکدر . چونکه
 خلافت و اونک مرادفی اولان سلطنت دین و دنیا امورنی برلکده تمثیل ایدرلر .
 غیر مسلم تبعه سی بولماسی اعتباریه خلیفه اسلامه صفت دیانتدن مجرد و بالکنز صفت
 دنیوییه یی حائز بشقه بر عنوان یرمک ده لزوم سزدر .

خلیفه نك، هم امور دینی نك ، هم ده امور دنیوییه نك رئیس اداره سی بولماسی
 باشقه صفتله توصیفه احتیاج کوسترمن . مسلمارله غیر مسلمارله شریعت اسلامییه نك احکام
 دنیوییه سی یعنی معاملات قسمنی ینه خلیفه صفتیه تطبیق ایدر و بوخصوصده هیچ بر
 محذور ایله قارشیلارمن . خلفای راشدین ، خلفای امویه و عباسیه زمانارنده ده غیر مسلم
 تبعه بولندی حالده دائما خلیفه عنوانی قوللا نیلمشدر .

خلفای اسلامی نك حال و وضعیتلری بویله اولونجه خلافتله سلطنتی یکدیگرندن
 تفریق و مرکز خلافتی استانبولده بیرا فرق مرکز سلطنتی اناتولیه نك بشقه برکوشه سنه
 نقل ایتمک امکال سزدر .